

Katimayiyut Kangiqhidjutaat

Naittuq titiraq Katimadjutaigut

Pingahuat Kitimeoni Inuuhinut-Piyangaiyautikkut Munaqhinirmut Katimayiit (SEMC) kaitmayut Iqaluktuutiami, Nunavut, Qaqailruq 28-mi 29-mut 2012-mi. Katimadjutaat inugiakhitiyuq hanaryuarvingnit, kavamatkunit nunallaanillu katimayaqtuqtunit. Katimayut aulayut nakuuyumik iniutigiblugit uqariblutik aallatqinik ihumaaluutigiyamingnik.

Katimayut hivulliq uqariyaat tamaat hulidjutait SEMC-tkut kavamatkunit (GN) maliktaubluni uqaqtiubluni Nunaqaqqaqtuliriyitkunit (AANDC) qanuq ilaudjutigiyamingnik talvunga SEMC-mut ukunungalu Nunavut Munaqtiuyunut Parnaiyaiyinit. Natiq angmaqtauyuuq hanaryuarnikkut unipkaariblutigik qanuritaaqhaa una havakhauhikhaq. Sabina unipkaaqtuq Utkuhikhalingmi Havaakhauhikkut, maliktaubluni MMG-tkut Izok Aulavia havaakhauhiq, unalu kingulliq Hope Bay-mi Havaakhauhiq, Nunavut Kavamangat iniriutiyut unipkaaqtutik ilanginik Inuuhinut-Piyangaiyaitikhat kihititilgit naunaitkutait avikturvingmi.

Uqaqatigiikhutiglu, humi pingahut pidjutikhalluat atauhiutaaqtut: havaakhanik, igluqauhikkut, ihuaqattautiyut. Havaakhatigut, uqarilluaqtaat ilaayut: ilanginnaani ukiungani havakpauhiit uqarakhiuqtuni (imaa qiniqhianikkut havaakhanik auyami); pilimaiqpakhugit havaakhat nutaqqiyiqannginamik; taimainmat havailaarni malruungni havaqattaqpakhutik qanurlu aktuomadjuhiit ilamingnut taimaa.

Unipkaaqtatigiinaqhutik, pingahuuyunik uqariliqtatik: Havaakhaqarniq, igluqarniq, ahuinaarnikkullu. Havaakhaqarnikkut uqarilluaqtait: ukiungani ilanginaani havakpauhiitigut uyarakhiunikkut (uuktuutigilugu. Uyarakhiuqtut auyami); havagungnaiqpaktut nutaqqiyiyinnirmut; imaalu malruungni havailaarni havagiaqattaqtut, malruungni havailaangni havaguiqhimaqattaqhutik ilaani ayurnaqtuq ilaini, Igluqarnikkut, ayuqhautauyuq iglukhaqalluannginmat, imaalu havaaqariamilu ilaani ayuqhautauvaktuq igluliqiyinit igluqariami manikhaakhaita angiligaayata igluqarnikkut ayuqhautiqaqpangmiyut angigyuraalugnmik akiliqtuilihakpangmata, Unaluttauq uqariyaat, ayuinaarniq, atanahugiyauubluni havaaqaliraangat imiqtugiakhivaktuq taimaa ihuinaarutauliqpakhunilu.

Kavamatkut AaNDC-tkut Kitikmeot Inuit Katimayiit katimaqatigiyait Newmont Qiqailruq 29, 2012-mi uqariblugit havaariyakhait Doris North Havakhauhirmi. Newmont uqariyait naunaitkutautigiyait havaanikkut Doris North Havakhauhirmi havaariyakhait anaunaqitauhimayut uvani Doris North Inuuhinut-Piyangaiyautikkut Munaqhinirmut maliglugu titiraqhimayut uvani Idjuhikhaa 28 taaffuma Havakhauhiup Naunaitkutaani.

Quviagiyauyut Naunaitkutauyut titirauyullu

Kitikmeot Upin'ngaami 2012-mi SEMC Kangiqhidjut tamainik unikpaaqarmat aallatqinik naunaiqhivagainik piyaamingi inuuhinut-piyangaiyautikkut avatimik Kitikmeot Avikturviani. Naunaiqhivagait ilangit ukua ataani.

Naunaiqtauhimayut Inuuvangnikkut Tuquyunikkut Aanniarutinikut Nunallani

Imaa inugiangnia Kitikmeonmi huli angigliyuumiqhaaqtuq, ahinungauyuq amigaitqiyat qaiyunit, ima naunaittut qayumitqiyauyut amigairyuumiyut ahinungauyunit avikturvingmi.

Aanniaqtailinikkut Ihuuniqattiarnia

Imaa 2006-mi, imirniq ayuryautauyuugami qulvatqiyauyuugaluaq (64%-nguyuuq naunaiyunit) angayaarnaqtunit (61%). Inminiirniq huli ayuqhautauhimmataqtuq angigliyuumiqhuni 2006-mi Kitikmeonmi (161.3 inminiipaktut inugiangnianit 100,000-nguyunit inungni 2009-mi). Imaaluttauq, inminiirniq inuinauyunik piyuq, taapkununga 100%-nguyut tamainit inmiiqhimayut Nunavunmi 2004-mit 2008-mut, mikhiyuumiqtut 96.3-mut 2009-mi. munaqhiliaqpaktuttauq mikhiyuumirhulik 2004-mit 2010-mut uvunga 42,263-mit 29,143-mut, talvani Kitikmeonmi naunaitutaa 23% imaalu 16% tamaninit munaqhiliaqpatut Nunavunmi.

Niqiqarnikkut

Akiliqtuidjulia Ukiuqtaqtumi Niqikhatarviit amigairyuumihimataqtut ukiuni, uvanga \$398-mit 2005-mi \$429-mut 2009-mi Iqaluktuuttiami. Una takulugu, aadjikkutaa niqiqaqtarviit Yalunaimi akiliqtuiyut \$212 2005-mi uvunga \$239 2009-mi Yalunaimi.

Ilinniarnikkut

Iniqtipaliqtut naania 17-nik 180nik ukiulgit Kitikmeonmi 14%-mik mikitqiyat ahinit Nunavunmit, 22%-nguyut 2012-mi akiraa 36.1%-nguyuuq tamaanit avikturvingmi. Sikuuriaqattauiat Kitikmeonmi aallagnatqiyauyut puqtutulaangini. Puqtutulaanga 10 ikitqiyauyut sikuuriaqattaqpaktut, imaa 54% 2010-2011-mi, uvanitauq puqtutulaanga 4-mi amigaitqiyauyut sikuuriaqattaqpaktut talvani ukiungani imaa 80%-nguyut.

Igluqarnikkut

Igluqarnikkut, 63%-nguyut Avikturvingmi igluqaqtut 2009/2010-mi (ilaunngitut kavamatkut igluqarvini), 23%-nguyut iglut nanminiuyut. Ilaunia, 43% inugiangniqaqtut.

Ihuinaarnikkut

Ukiunit 1999-mit 2204-mut, ihuinaarutiqaqtut amigairyuumiqtut, kihimi 2004-mit ikigliyuumiqhutik. Angitqiyuayut ihuinnaqatut Kitikmeonmi Iqlauktuutiamiittuq, imaa 66,667 inugiangnianit 100,000-nguyut Inugiangnia Ktikmeonmi 2010-mi Ikitqiyayut Kugluktumi, imaa 5,571-inugiangnianit 100,000-nguyut aadjikkutaani ukiungani. Amigaitqiyayut ihuinaarutigiyaat tamayaliqinikkut ima 168-nguyut palihimat unniuqhiurutigiyaat inugiangnianit 1,000 2009-mi.

Havaaqarnikkut

Ilauyunit akilihiuhiakhahungat havaktut Nunavunmi puqtutlaarityaa 60%. Uvani 2010-mi, 65.1%-nguyut tamainit inugiangninganit havaktut maniliuqhutik. Una naunaitkutaa anmuktuq 57.4% ihumagiblugit Inuit inugiangninga 2010-mi. Imaaluttauq, ilauyunit Inuunngitut inugiangningat talvani ukiungani imaa ittuq 92.3%. Talvanga 2005-mit, happa Kitikmeonmi igluqaqtut ikayuuhiaqtaqtut. Imaalu 2011-mi 52%-nguqhuni.

Doris North-tkut

Imaatut aktuningatigut havahuhiup Avikturvingmi, imaa ittuni mikhivaliqhuni qilanaarniq aanniqtailinirmut, atauhiinarmik tukhiqtumik 2010-mi aallattaq 2011-mi. Newmont havaktiqaqtut 282-nik 2011-mi, amigairyuumiqtut 83-mit 82-milli 2009-mi 2010mi. Havaktiuyut huli angutainnavyaktut inuinnaulluaqanngitutiglu. Imaa ittut havaktiuyut Doris North-mi 80%-nguyut angutit 2010-mi 2011-milu imaalulu 13% 15%-lu Inuit talvani ukiungani. Tamaat akiliuhiahaat 2011-mi ima ittungnaqhiyuq \$61.7 milianguyut, ilaungitutik katulaaqaqtut. Iqaluktuutiami Kugluktumilu talvanga manikhaaqaqaqtut imaa \$1.4 miliat taalal unalu \$1,6 miliat taalal.

Inurutaagut

Pingahuat Inuuhinut-Piyangaiyautikkut Munaqhinirmut Katimayiit katimagamik Iqluktuutiami nakuugiyaattiaqtuq ilaupkatauyut uqaqatigiigiangita ihumayamignik. Una SEMC kangiqhidjutait unniudjuiyuq, ukiukkut nunallaatigullu kagniqhidjutini (Pittaaqqat) Nunvunikkapta, ihuaqhattiaqhimabluni katimayiuyut takuyakhaat inuuhinut piyangaiyarnikkut aktuqhidjuhiagut havahahungit Ktikmeonmi. Ihumagiyayut ilauyut una taiguniaqtaat kangiqhidjut, naupkayuuumirianmingni aturlugit atuquidjutikhanik ihumaliurutigiyaangani katimayiqatunik mikhiyuumiriangani aktuumania ihuariyaunikhaa inhuuqautip-piyangaiyaniup avatipitingni.